



Bentiaraq Ottosen

UKA 2023/116

Atassut

12. oktober 2023

**“Inuuniarnermikkut ajornartorsiuteqartut pillugit siunnersuisooqatigiit”
pilersinnejarnissaannut Naalakkersuisut peqquneqassasut Inatsisartut
aalajangiiffigisassaattut siunnersuut.**

(Inatsisartunut Ilaasortaq Jens-Frederik Nielsen, Demokraatit)

Maani inatsisartuni oqaaserpassuit tusarluarnartut neriuuteqalernartorpassuillu saqqummiunneqartarput. Siunertat kusanartut oqarluartaarutaaginnalersoortarput nalugaanni qanoq anguniassanerlugu. Assersuutigiinnarlugumi Naalagaaffinngorusunneq ukiuni 40-ni oqarluartaarutigineqartoq, nalusimanngikkutsigumi qanoq tassungassanerluna ila qaninaangajaqaarput.

Naatsumik oqaatigalugu oqaannarluni ajornaqaaq. Kialluunniimmik ajornartorsiut tikkuarsinnaavaa, kinaluunniit suna angusariaqarneripput suaarutigisinnaavaa. Uagullu maani Inatsisartuni aamma ajoraluartumi taamaassimagaatta angusaqarniarneq ajornartittaqaarput.

Tikkuartuiinnassannginnattami, siunnersuummik uuminnga saqqummiisoq nersualaartariaqarpoq. Oqareersinnaavungami tapersiilluta Atassummiit. Nassuerutigisariaqaratsigumi Inatsisartuni oqallorikkaluqaqluta ilaatigut qaqtigukkulluunniit nalusratsigu qanoq aaqqiiniassanerluta. Siunnersuutillu siunertarivaa nunatsinni ajornartorsiutaaqisup aaqqinniarnissaanut immikkut ilisimasalinnik siunnersuisoqarnissaq.

Tigussaasunik sunniuteqartussanillu iliuuseqassagutta tassa aqquq pitsak. Naalakkersuisut Naalakkersuisoqarfitik atorluarumavaat, illersuisoqarnermut suliat ingerlatiinnarusullugit, oqallittarfimmillu pilersitsinissaq allannguutissatut siunnersuutiminni saqqummiullugu. Atassummiit kaammattutigiinnassavarput siunnersuuteqartup oqariartuutaa aallaavigissagipput.

Tamakkiisumik tapersieriarlugu ataatsimiititaliamut ingerlaqqinnissaa innersuussutigaarput.